

四明叢書

張宗祥



林衣集

四明張氏釣園開雕

序

明萬曆間甬上豪於文者屠緯真余僧杲也余讀白榆
由拳農丈人諸集一以詞勝一以法勝卓然推爲東南
大家矣及天崇之際慈谿又有錢仲舉文薦與秦虞卿先
生仲舉詩奇於文先生文奇於詩仲舉靈快不拘拘於
格律而先生雖倚馬萬言未嘗不還執於法也故陳眉
公表之曰配食由拳農丈人之閒匪其質矣而馮明仲
以爲有緯真有僧杲有仲舉而復有虞卿月旦之評彰
彰於當世者已如此顧余於林衣集受而讀之文章固

奇矣其考徵鄉獻爲尤足重也當天啓惡志之修列傳多出先生筆卽如慈谿袁懋中煒讀史者但譏其爲青詞宰相誰知其有營救楊博一事乎明史修於清輒爲清諱雖萬季野史稿亦不敢昌言況王鴻緒輩先生作邑志袁煒傳時在明季頗詳密傳中直書虞闢入牆子嶺寇通州楊公博急調發逐之出上怒博不克報公密疏云不報之罪可原逐虜之功可贖怒遂解又云每爲時宰言輔臣卽無他善狀令明主有殺諫臣名誰爲貸斧鉞地下者更言煒入相時前政濁後政驚獨頡頏其

聞皎皎無所遜避云是可辨明史之誣矣惜乎季野未見也余特表而出之以見先生立言之不苟焉攷慈谿藝文志林衣集八卷有文無詩眉道人序中所謂詩草尙扁家櫝是也別有鈔本詩賦具在先生族裔潤卿旣出抹雲樓所藏者示余因合兩本編校選爲六卷諸壽序賀序僅存一二而詩與賦則備錄焉余豈敢妄刪先生之文哉蓋酬應之作固知非先生所欲存者也顧如錢仲舉墓志載於慈谿志傳而兩本皆無之益歎可存而未存者多矣先生性孝有德有言文以人重何可聽

本
子
集

約
圖
刊
本

其湮泯爰梓而序之時民國二十九年一月後學張壽

鏞

慈谿志本傳

秦舜昌字虞卿

○秦氏譜號幼澤

以孝聞母常病瘖舜昌不解

帶不下樓者浹歲雲閒陳繼儒序而傳之自幼博聞強識

善爲文崇禎閒

○原作萬曆中據雍正志改秦氏譜亦云崇禎改元選貢成均

以貢授

台州府學訓導喜獎進物類士多懷之

雍正府志○馮若愚撰林衣集

序虞卿幼負異姿自總角卽綜覽百家之言目光炯炯

能辨五色於百步之外夏穴秦山石鼓汲冢聲牙棘齒

者一過輒記經久不忘

林衣集序

予鄉蓋有僧杲緯眞兩先生云緯眞以軼才奇藻橫鶩
一世而僧杲引古法繩之字劇句鉅非西京以上語不
復道世於是知東南有兩作者矣乃余友復有虞卿幼
負異姿自其童牙時卽已備歷五經四部史漢諸子百
家之言無不畢覽眼光炯炯能辨五色百步之外嘗反
黏細書于室壁上與子隔窗隙試之予方瞪目不能舉
一語虞卿輒朗朗讀七行下也夏穴秦山石鼓汲冢聲
牙棘齒難竟誦者余百過未卽解虞卿一過輒能記記

輒須久不忘余因是益心折之當是時同塾故有錢仲舉故喜譚古文詞仲舉豪甚每舉觴屬虞卿四明風雅獨僧杲緯真耳吾才不埒緯真而縱橫有之君其爲僧杲乎予笑謂仲舉毋涯量我虞卿虞卿何所不有然政不耐爲今耐爲古耳閒嘗私爲兩君月旦評仲舉才虞卿法仲舉詩奇于文虞卿文奇於詩仲舉靈快自喜數幅之後稍不自禁矣虞卿斷斷持格律卽峯嶺千仞碎礪萬里未嘗不還軌於法也今仲舉旣應制科以故業舉其所爲古文詞亦已噪海內獨虞卿尙困頓諸生閒未

夏之文有德有言當于古人獨行傳求之而配食於由
拳農丈人之閒匪其質矣故眉道人表而出之友弟陳
繼儒撰

林衣集序

屈大夫離騷本於忠猶孔子春秋本於孝經無德之文
李華以爲詐卓哉乎其言之也四明秦虞卿先生卓蹠
冠羣英偉拔世恂恂自將一以淹雅玄勝爲主余嘗讀
其林衣集濃華媚秀精辨澄泓孫吳兵法在律庖丁刀
妙在解其吉人之辭仁人之言哉先生性至孝母氏病
瘠欠伸榻前不褫帶不下樓者經餘年雖有忤意未嘗
見其怒時門生弟子羔雁成羣去爲通人大吏先生不
欲造次投訪藉口通家爲賓客嚆矢所居嚴重贄文無

虛日先生憑几懸筆應之皆駢麗貫串璧合珠聯一似別有鑪鑄宿具於胸中者稿成掣去散落人閒大小馮君搜訪採集僅得十之二三而詩草尙扃家櫝未曾與文章並懸國門先生嘗拈昌黎句云多情懷酒伴餘事作詩人詩匪男子第一事惟學謝太傅嘗自課兒耳諸子文彩映當代試輒冠軍比之荀氏六龍少其一河東三鳳多其二大要皆先生庭訓陶冶中來也衡泌蕭然父子吟誦之聲比於鄒魯郡邑干旄士大夫呵殿而過坊巷者呼爲秦先生而不敢名先生孝似曾閔而兼游

卽舉世獨傳其應制時藝所爲古文詞又未卽傳而虞卿雅不好名每有作輒自棄去其存者復多漫滅子故命兒子颺從子仲搜諸逸藁得什之一校梓之使知東南作者有僧杲有緯真有仲舉復有虞卿也友弟馮若愚書於謾風堂之翠沈閣

林衣集目錄

卷一

賦 頌 贊

登臺賦 有序

滌懷賦 有序

方竹賦 有序

方石賦 有序

鳳覽棠陰頌 有頌

百歲翁劉念庭先生寫真贊 有序

碑誌

明故馮季君甄甫墓誌銘

明故尹母呂安人墓誌銘

卷二

傳

馮長公傳

別駕蓋庵秦公忠節傳

仲父方伯懷庭公小傳

邑志小傳

袁公煒

周公大昌

楊公孫仲

葉公本

王公荳

秦公金

劉公士達

劉公志伊

張公學